

## Dubbii limaana Diigu-Kutaa 12.1

### Description

#### **Wa'da fi Wa'iida mormuu fi itti qosu**

Wa'da jechuun waadaa dha. Akka lugaa Arabifaatti Wa'da waan gaarii fi badaa keessatti itti fayyadaman. Ni jedhama: wa'dtuuhu kheyran (waan gaarii isaaf waadaa gale.) Wa'dtuuhu sharran (sharrii isaaf waadaa gale). Kheeyri fi sharrii yoo addaan baasan, kheeyri keessatti wa'da (waadaa) jedhan, sharrii keessatti immoo wa'iid jedhan. (Kanaafu, **wa'da** jechuun waan gaarii waadaa galudha. **wa'iid** immoo waan badaan (sharriin) itti dhaadachu ykn zaatudha.)

Qur'aanni waadaa fi zaachaa baay'ee of keessatti qabatee jira. Waadaan araaramaan, jaallachuun, kabajuun, Jannata seenuni fi gosoota mindaa biroo kana fakkaataniin ta'a. Wa'iid (Zaachan) immoo abaarsan, dallansuun, ibidda seenuun fi gosoota adabbii birootin ta'a.

Rabbiin olta'aan ni jedha:

﴿وَعَدَ اللَّهُ الْمُنَافِقِينَ وَالْمُنَافِقَاتِ وَالْكُفَّارَ نَارًا جَهَنَّمَ خَالِدِينَ  
فِيهَا هِيَ حَسْبُهُمْ وَلَعَنْهُمُ اللَّهُ وَلَهُمْ عَذَابٌ مُّقِيمٌ﴾  
68

“Rabbiin munaafiqoota dhiiraa dubartii fi kaafirota ibidda Jahannam yeroo hundaa keessa turan waadaa galeefi jira. Ishiin isaaniif gahoodha. Rabbiin isaan abaare, isaaniif adabbii itti fufaatu jira.” Suuratu At-Tawbah 9:68

Ammas ni jedha:

﴿وَعَدَ اللَّهُ الْمُؤْمِنِينَ وَالْمُؤْمِنَاتِ جَنَّتٍ تَجْرِي مِنْ تَحْنِهَا  
الْأَنَهَرُ خَالِدِينَ فِيهَا وَمَسَكِنٌ طِيبَةٌ فِي جَنَّتٍ عَدْنٍ  
وَرِضْوَانٌ مِّنْ أَكْبَرِ ذَلِكَ هُوَ الْفَوْزُ الْعَظِيمُ﴾  
72

“Rabbiin mu'mintoota dhiiraaatii fi dubartiif Jannata jala ishii laggeen yaa'an, kan yeroo hundaa keessa turanii fi Jannata Qubsumaa keessatti manneen gaggaarii waadaa galee jira. Jaalalli Rabbiin irraa ta'e hunda caalaa guddaadha. Suni isumatu milkaa 'inna guddaadha.”

(At-Tawbah 9:72)

Wanta Rabbiin subhaanahu wa ta'aalaa gabroota Isaa irratti tola oolee keessaa tokko nama hojii gaarii irratti waadaa galeef waadaa Isaa akka guutuuf ni beeksise. Rabbiin tola Isaatiin waadaa Isaa hin diigu. Ni jedha:

 وَعْدَ اللَّهِ لَا يُخْلِفُ اللَّهُ وَعْدَهُ، وَلَكِنَّ أَكْثَرَ النَّاسِ لَا يَعْلَمُونَ

“Waadaa Rabbiiti. Rabbiin waadaa Isaa hin diigu. Garuu irra hedduun namootaa hin beekan.”  
Suuratu Ar-Ruum 30:6

Namoota amananii Isa faallessaniif adabbiin Inni waadaa galeef immoo fedhii Isaa jala jira. Tarii waadaan adabbii kuni haqummaa fi jazaa hojii badaa isaanitiif isaan irratti kufuu danda'a. (Namoota amananii garuu hojii badaa kufrii fi shirkii gadi jiru yoo hojjatan, Rabbiin yoo fedhe ni araaramaaf, yoo fedhe ni adaba.)

Keeyattoota waan gaarii fi adabbiin waadaa galuu dubbatan ilaachisee dirqama nurra jiru yommuu dubbannu, keeyattoota kanniin hundatti amanuu, isaaniif harka kenuu, kabajuu fi ol-guddiisuudha. Rabbiitti ni amanna, akkaataa Rabbiin barbaaduun wanta Isarraa dhufeettis ni amanna. Ergamaa Rabbiitti ni amanan, akkaataa Ergamaan Rabbii barbaaduun wanta Ergamaa Rabbii sallallahu aleih wassallam irraa dhufettis ni amanna.

Ibn Taymiyaan ni jedha: “Shakkii hin qabu, Qur'aana fi Sunnah keessa wa'da fi wa'iida jira. Rabbiin olta'aan akkana jedhee jira:

إِنَّ الَّذِينَ يَأْكُلُونَ أَمْوَالَ الْيَتَامَىٰ ظُلْمًا إِنَّمَا يَأْكُلُونَ فِي

 بُطُونِهِمْ نَارًا وَسَيَصُلُّونَ سَعِيرًا

“Dhugumatti isaan qabeenya yaatimoota zulmiidhaan (haqa malee) nyaatan, garaa isaanii keessatti ibidduma qofa nyaatu. Gara fuunduraatti ibidda boba'aa seenu.” Suurat An-Nisaa 4:10

Ammas ni jedha:

﴿يَا أَيُّهَا الَّذِينَ إِيمَنُوا لَا تَأْكُلُوا أَمْوَالَكُمْ بَيْنَنَّكُمْ بِالْبَاطِلِ إِلَّا أَنْ  
تَكُونَ تِجَارَةً عَنْ تَرَاضٍ مِّنْكُمْ وَلَا تَقْتُلُوا أَنفُسَكُمْ إِنَّ اللَّهَ كَانَ  
بِكُمْ رَحِيمًا ﴿٦٩﴾ وَمَنْ يَفْعَلْ ذَلِكَ عُدُوًّا وَظُلْمًا فَسَوْفَ نُصْلِيهِ نَارًا  
وَكَانَ ذَلِكَ عَلَى اللَّهِ يَسِيرًا ﴿٧٠﴾

“Yaa warra amantan! Daldala jaalala keessan irraa ta’een malee qabeenya keessan jidduu keessaniitti sobaan hin nyaatinaa. Nafsee teessan [yookiin wal] hin ajjeesinaa. Dhugumatti, Rabbiin isiniif mararfataadha. Namni daangaa darbuu fi zulmiin kana hojjate, gara fuunduraatti ibidda isa seensifna. Kuni Rabbiin irratti salphaa ta’era.” Suuratu An-Nisaa 4:29-30

Qur'aanaa fi Sunnah keessa wanti kana fakkaatu baay'etu jira. Dirqamni gabricha irra jiru kanaa fi san dhugoomsudha. (Majmuu'al fataawaa 8/270)

Ammas ni jedha: Jecha Rabbii fi Ergamaa Isaa kabajuun Musliimaf dirqama. Wanta Rabbii fi Ergamaan Isaa jedhan hundatti amanuun dirqama. Garii kitaabatti amanne, garii kitaabatti kafaruun nuuf hin ta'u...” (Al-Iimaan fuula 33-34)

Waadaa fi zaachaa Qur'aanaa fi hadiisota sahiih ta'an keessatti dhufanitti amanuun dirqama. Wa'ad (waadaan) kan akka Jannataa, araarama, rahmata fi kkf of keessatti qabata. Wa'iid (zaachan) immoo kan akka Jahannam, abaarsaa fi kkf of keessatti qabata.

Madda:

[Nawaqidul Iimaani al-qawliyah wal amalah](#) fuula 230 Abdulaziz bin Muhammad

**Date Created**

August 10, 2020

**Author**

admin